

Բարդ նախադասություն

348. Ա և Բ խմբերի նախադասությունները համեմատի՛ր: Յուրաքանչյուր նախադասության մեջ քանի՞ ստորոգյալ կա:

Ա. Հին ժամանակներում առագաստանավը շատ կարևոր փոխադրամիջոց էր համարվում:

1862 թվականին առագաստանավերով մրցելու կանոններ մշակվեցին:

Նրան շատ է հետաքրքրում առագաստանավային սպորտը:

Արդեն տասնվեցերորդ դարում գեղասահքի սիրահարներ կային Հոլանդիայում:

Բ. Հին ժամանակներում առագաստանավը շատ կարևոր փոխադրամիջոց էր համարվում, իսկ այսօր նա միայն սպորտում է գործածվում:

1862 թվականին առագաստանավերով մրցելու կանոններ մշակվեցին, իսկ դրանից առաջ մրցող մարզիկներն ուղղակի պայմանավորվում էին:

Նրան շատ է հետաքրքրում առագաստանավային սպորտը, որը հրապուրում է ծովի, երկնքի ու համարձակության բոլոր սիրահարներին:

Արդեն տասնվեցերորդ դարում գեղասահքի սիրահարներ կային Հոլանդիայում, որտեղ մշակվել է այսօրվա գեղասահքի տեխնիկան:

Ա. և Բ. խմբերը իրարից տարբերվում են նրանով, որ Ա. խմբում 1 ստորոգյալ է, իսկ Բ. խմբում 2 ստորոգյալ կա:

349. Նախադասություններն ավարտի՛ր: Առաջադրանքը հնարավո՞ր է կատարել՝ առանց ստորոգյալ ավելացնելու:

Աքլորներն իրար բզկտում էին, որովհետև ամեն մեկը ուզում էր առաջինն ուտել:

Սարսափելի փոթորկից նավը շուտ կգար, եթե փոթորիկը շուտ չհանգստանար:

Փողոցում երեխաներից բացի մարդ չկար, ուրեմն նրանց ծնողները դեռ քնած էին:

Փողոցում երեխաներից բացի մարդ չկար, իսկ երեկոյան այնքան մարդ կար որ ասեղի տեղ չկար գցելու:

Քանդակագործը գիշեր ու զօր աշխատում էր, երբ էր ավարտելու քանդակը անհայտ էր: Լավ եղանակին այնտեղ էի տանում շնիկիս, որ ուրիշ շնիկների հետ խաղա:

350. Ա և Բ խմբերի նախադասությունները համեմատի՛ր: Ի՞նչ տարբերություն կա:

Ա. Քամին կամակոր տարերք է: Մարդիկ նրա էներգիան էլ են օգտագործում:
Բնության քանդակագործներից մեկն էլ քամին է: Նա անդուլ աշխատում է
փոխել Երկրի դեմքը:

Այնտեղ չոր ու մերկ հող կա: Քամին փոշու զանգվածներ է օդ հանում:

Բ. Քամին կամակոր տարերք է, բայց մարդիկ նրա էներգիան էլ են օգտագործում:
Բնության քանդակագործներից մեկն էլ քամին է, որը անդուլ աշխատում է
փոխել Երկրի դեմքը:

Քամին փոշու զանգվածներ է օդ հանում այնտեղ, որտեղ չոր ու մերկ հող կա:

Առաջին խմբի նախադասությունները պարզ են, իսկ երկորդինը բարդ:

351. Ինքդ անուններ գտի՛ր և տրված նախադասությունը լրացրո՛ւ:

*Նախորդ վարժության Ա խմբում պարզ համառոտ նախադասություններ են, որովհետև
ունեն 1 ենթակա և 1 ստորոգյալ: Բ խմբում բարդ նախադասություններ են, որովհետև
ունեն 1-ից ավելի ենթակա կամ 1-ից ավելի ստորոգյալ:*

*352. Նախադասություններն ավարտի՛ր: Գտի՛ր ստացված նախադասությունների
արտահայտած մտքերի տարբերության պատճառը:*

Նա ամեն առավոտ վազում է, որ նիհարի:

Նա ամեն առավոտ վազում է, որպեսզի հասցնի ավտոբուսին:

Նա ամեն առավոտ վազում է, չնայած սպորտով չէր զբաղվում:

Նա ամեն առավոտ վազում է, իսկ ընկերը գերադասում էր տանը մնալ: Նա ամեն
առավոտ չի վազում, այլ ընդամենը նստած հեռուստացույց է նայում:

353. Նախադասություններն ավարտի՛ր: Ինչո՞վ են տարբերվում ավարտները:

Մի մարդ շուկայից ոչ թե ձեռնասուն կաքավ գնեց, այլ գնեց աղունիկ:

Մի մարդ շուկայից ձեռնասուն կաքավ գնեց, որպեսզի նոր տարուն նվիրի իր
կնոջը:

Մի մարդ շուկայից ձեռնասուն կաքավ գնեց, որովհետև նրա կարծիքով կաքավը
ամենասիրուն թռչուններից մեկն է:

Մի մարդ շուկայից ձեռնասուն կաքավ գնեց, որը շատ սիրեց իր նոր տիրոջը:

Մի մարդ շուկայից ձեռնասուն կաքավ գնեց, որին բնության մեջ բաց թողեց:

Մի մարդ շուկայից ձեռնասուն կաքավ գնեց, երբ տեսավ, որ կաքավը գեղեցիկ է
շատ: Նախադասությունները տաբերվում են ստորոգյալներով: